

O

M

A

L

A

Lesona 4, Iulai 26, 2025



“Ona faamaaaina ai lea o le loto
o Farao, e le'i tuuina atu lava le
fanauga a Isaraelu e o, faapei
ona fetalai mai ai o Ieova ia
Mose” Esoto 9:35



Ao fesagai le nuu o le Atua ma se taua, ona faatonuina lea e le Atua i latou ina ia muamua ona soalaupule i ni tuutuuga o le filemu. Pe afai ae le mafai ona ausia se maliliea, ona faatino loa lea o se gaoioiga (Teuteuronome 20:10-12).

O le auala lenei na feutagai ai le Atua ma Aikupito. O se auala o le filemu sa taumafai i ai, ae na tetee i ai Fatamose e talia lea auala. O lea la ua oo mai le taimi e faatino ai le finagalo o le Atua.

Ina ua tuuina mai mala, e leai se atua o loo i totonu o Aikupito e mafai ona puipuia pe laveaiina Aikupito mai le mana malosi o le Atua moni e toatasi.



O se faatinoga muamua:



Fetauiga a gata (Esoto 7:8-12)



Faama'aaina o le loto (Esoto 7:13)



O mala:



O mala feololo e tolu (Esoto 7:14-8:19)



O mala ogaoga e tolu (Esoto 8:20-9:12)



Faatafuna'ina o mala e tolu (Esoto 9:13-10:29)



O SE
FAATINO GA
MUAMUA



FETAUIGA A LE ATUA MA ATUA O AIKUPITO

“Aua ua latou taitasi ma lafo lona tootoo, ona liu gata ai lea; a ua folo o latou tootoo e le tootoo o Arona.” (Esoto 7:12)

Ua faailoa mai e le Atua o le lavea’iga o Isaraelu o se taua lea na la tau ai e faasaga atu i atua o Aikupito (Esoto 12:12; Numera 33:4).

O lona palealii, o se faailoga o lona malosi, na ofuina ai e le Farao se asepi matagofie e fai ma sui o se atua fafine o Uadyet (o le igoa lea o se atua gata fafine)



O le liuaina o se tootoo e avea o se gata, o le lu’iina tuusa’o lava lea e le Atua o lenei atua fafine (Esoto 7:10). Faamata ea e mafai ona ia puipuia Farao?

Ona faataitai lea e Satani o se vavega e ala i togafiti faataulaitu a le au taulaitu (Esoto 7:11). Ae e lei mafai ona fofoaina mai ai se ola; o ana gata ua na’o na foliga mai lava o gata. Peitai, na foafoaina e le Atua le gata ola, e mafai ona ‘aina mea ola (Esoto 7:12).

O lea ua faaalua e le Atua o la, e le’o se atua Aikupito, a’o Le e umia le malosi ma le pule silisiliese.

FAAMA'AINA O LE LOTO

"A ua faamaaaina le loto o Farao, e lei faalogo foi o ia i a'i la'ua, faapei ona fetalai mai ai o Ieova" (Esoto 7:13)




I le tusi o Esoto, e faaiva ona ta'ua mai le faamaaaina e le Atua o le loto o Farao (Esoto 4:21; 7:3; 9:12; 10:1; 10:20; 10:27; 11:10; 14:4; 14:8), ma le isi faaiva o taimi o loo taua ai na faamaaaina e Farao o lona lava loto (Esoto 7:13; 7:14; 7:22; 8:15; 8:19; 8:32; 9:7; 9:34; 9:35). Ua tutusa! Ao ai la na faamaaaina le loto o Farao?

Ina ua mavae mala muamua e lima, o loo manino lava ona ta'ua mai na faamaaa ai e Farao lona loto (Esoto 7:13). O lona uiga, na ia teena lona tali lelei atu i le valaau a le Agaga Paia ina ia tuu faasa'oloto Israelu e o.




Ina ua mavae le mala lona ono, ona faamaaa loa lea e le Atua o le loto (Esoto 9:12). E foliga mai ua laaloa e Farao le faitotoa o le salamo. Peita'i, i le mala lona fitu, na tuu atu ai ia te ia se isi lava avanoa, ae na ia toe faamaaa lava i lona loto (Esoto 9:34-35).

Talu mai lea taimi, ua ia faamaufaailogaina lona lava iuga. Ua oo ina faamaaaina e le Atua le loto o Farao ona sa maumaututū lava lana filifiliga i lona le fia salamo.



“I le teena ta’itasi o le malamalama, na faaaliga ai e le Alii se faaaliga e sili atu na iloga o Lona mana; ae na faateleina le loto-maaa o le tupu i ni faamaoniga fou uma o le mana ma le mamalu o le Atua o le lagi, se’ia oo atu ina vaivai le a-u mulimuli o le alofa mutimutivale mai le utu faalelagi. Ona matua maaa ai lea o le tagata i le faatumauina o lona lava tetee atu. Na luluina e Farao le loto-maaa, ma na ia seleseleina se seleselega e tutusa ma lana lava amio. Na le mafaia lava e le Alii se tasi mea e faatalitonuina ai o ia, ona ua punitia o ia e le loto-maaa ma le faailoga tagata, lea ua le mafai ai lava e le Agaga Paia ona maua se avanoa e ulufia ai lona loto. Ua faatagaina e Farao lona lava le talitonu ma le maaa o lona loto e pulea o ia ma lona lava taunuuga.”



O MALA



O LE MALA MUAMUA (FEOLOLO): TOTO

“O loo faapea ona fetalai mai Ieova; O le mea nei e te iloa ai, o Ieova lava a'u, faauta: Ou te ta i lenei tootoo ua i lo'u lima i le vai o le vaitafe, ona liu toto ai lea.” (Esoto 7:17)



Hapi, o le
atua o le
Naila


Esoto 7:14-25

O le Naila, ma ona tafega, na maua ai le ola o Aikupito. Ae o ai na foafoaina puna o vai? Na faia e faataulaitu se faatusa mo se suiga o le suavai, peitai latou te lei mafai ona toe faaliliuina i le suavai masani.



MALA LONA LUA (FEOLOLO): RANE

“Ua fetalai mai foi Ieova ia Mose,”E te fai atu ia Arona; ‘Ina faaloaloa ia lou lima e i ai lou tootoo i luga o vaitafe, ma vaita’i, ma vailepa, ma ia faaa’e mai rane i le nuu o Aikupito” (Esoto 8:5)



Eketi, o le
atua o
rane

Esoto 8:1-15

**Na toe faataitaiina foi e
faataulaitu lea mala, peitai e
lei mafai foi ona latou taofia**



MALA LONA TOLU (FEOLOLO): 'UTU

"Ona fetalai mai lea o Ieova ia Mose, "Ia e fai atu ia Arona, 'Faaloaloa ia lou tootoo, ma ta a'i le efuefu o le fanua,' ina ia liu 'utu le nuu uma lava o Aikupito.'" (Esoto 8:16)



Sepu, o le
atua o le
laufanua

Esoto 8:16-19

Foafoaina o le ola mai le efuefu o le eleele? (Kenese 1:24). E le toe i ai se masalosologa e uiga i le amataga mai o mala: "O le aao lenei o le Atua" (Esoto 8:19). Ua iloa e taulaitu o le aao lava lea o le Atua, ma ua latou fifilemu ma ua le leoa lava i latou.



MALA LONA FA (OGAOGA): GAROVA

“Ona faapea lava lea ona fai e Ieova. Ua oo mai ai garova e tele lava i le fale o Farao, ma fale o ana auauna, ma le nuu atoa uma o Aikupito; ua leaga le nuu ona o le vao garova.”
(Esoto 8:24)



Utita, o le
atua fafine
o le taufusi

Esoto 8:20-32.

Mo se taimi muamua lea, na puipuia ai Israelu mai lea mala. O lenei na taitaiina atu ai Farao ia faia se feutana'iga, ae na mulimuli ane e lei faamanuiaina e taofia lana pitolaau o lea fefaataua'iga.

MALA LONA LIMA (OGAOGA): MANU O LE FANUA

“O le aao o Ieova e oo i au manu i le fanua, o solofanua, ma asini, ma kamela, ma povi, ma mamoe, o le faama'i matua mamafa lava.” (Esoto 9:3)



Kunuma, o
le atua
foafoa

Esoto 9:1-7.

O le tele o atua e ulu i manu, o
lea na faalumaina ai le toatele oi
latou i lenei mala.

MALA LONA ONO (OGAOGA): MA'I FULAFULA

"Ona la ave lea o lefulefu nai le umu, ua la tutu atu i luma o Farao, ona saaluu solo ai lea i luga e Mose, ona avea lea ma ma'i fulafula e tupu ai le manunu i tagata atoa ma manu." (Esoto 9:10)



Sekimeti,
atua fafine o
faamalologa

Esoto 9: 8-12 .


E oo lava i taulaitu e lei mafai ona latou faamalolo i a'i latou lava (Esoto 9:11). Sa leai se masalosalo o Farao e uiga i le pogai o nei mala. Ae na ia filifili lava e teena le ifo atu i le Atua, ma na faatagaina e le Atua o ia 'ia selesele i fua o lona lava fouvale (Esoto 9:12).

MALA LONA FITU (FAATAFUNA'INA): UATO'A

“Faauta, o le aso taeao e faapenei le itula, Ou te faatoto ifo ai le uato'a tetele lava, e leai sona tusa i Aikupito talu ona faatoa 'aina, ua oo mai lava i nei ona po” (Esoto 9:18)




Nati, o le
atua fafine o
le lagi



Setu, o le
atua o
matagi ma
afā

Esoto 9:13-35.

Sa tofotofoina le faatuatua o tagata Aikupito. Oi latou o e na talitonu na faasaoina ola o a latou auauna ma a latou manu (Esoto 9:20). Sa lei talitonu Farao, ma e ui lava sa ia ta'uta'u atu lana agasala, ae sa lei faamaoni lana ta'utinoga (Esoto 9:27-30).



MALA LONA VALU (FAATAFUNA'INA): SE AKERISE

“Aua pe afai e te le mafai ona tuu mai o Lo'u nuu e o, faauta, a taeao Ou te auina mai ai o se akerise i lou nuu” (Esoto 10:4)



Nepa, o le
atua o le
saito


Esoto 10:1-20.

I le faatafuna'ina ai o Aikupito,
na aioi atu ai tagata Aikupito lava
ia iā Farao ina ia tuu atu Israelu
e o (Esoto 10:7).



MALA LONA IVA (FAATAFUNA'INA): POULIULI


“Ona fetalai mai lea o Ieova ia Mose, “Ina faaloaloa ia lou lima i le lagi, ina ia pouliuli le nuu o Aikupito —o le pouliuli e mafai ona tagofia.” (Esoto 10:21)



Ra, o le atua
o le la

Esoto 10:21-29.

Na i ai le pouliuli i le nuu atoa uma o Aikupito mo le tolu o aso (vagana ai Kosenā le aai o loo i ai le fanauga a Isaraelu sa malamalama pea), ua le mafai ona toe tulai se tasi mai le mea sa nofo ai pe feiloai foi (Esoto 10:22). O se taimi na tuuina atu i ai e le Atua e mafaufau pe toe manatunatu ai, ae lei faaaogaina e Farao. E tuu avanoa lava le Atua i le tagata.



“A’o lei oo i le suiga o mala taitasi, sa tatau ona faamatala e Mose le natura ma aafiaga, ina ia mafai ai e le tupu ona faasaoina ia lava mai nei mala pe afai na te filifilia. O faasalaga uma e teena e mulimuli mai ai se tasi o le a sili atu ona ogaoga, se’ia oo ina faamaulalo lona loto faamaualuga, ma oo ai ina faailoa atu le Foafoa o le lagi ma le lalolagi o se Atua moni o loo soifua. O le a tuuina atu e le Alii i tagata Aikupito se avanoa e iloa ai le lē aoga o le poto o o latou tagata malolosi, ma le vaivai o le mana o lo latou atua, pe a tetee atu i poloaiga a leova. O le a la faasalaina tagata o Aikupito i lo latou ifo i tupua ma lo latou faamaualuluga le leoa i faamanuiaga ua maua mai i o latou atua e leai ni mafaufau. O le a faamamaluina e le Atua Lona lava suafa, ina ia mafai ona faalogo i ai isi malo i Lona mana ma gatete i Ana galuega mamana, ma ia mafai ona taitaiina atu ai Ona tagata ia liliuese mai i lo latou ifo i tupua, ae ia avatu ia te la le tapuaiga moni ma le mamā.”